




2460

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: UP-1-14-08-16-09341/26-08/28
Datum: 11. 06. 2026. godine



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
REISA DŽEMALUDINA ČAUŠEVIĆA BR. 1
71000 SARAJEVO

N/r Predsjedavajućeg Skupštine Kantona Sarajevo Okerić Elvedina

PREDMET: Odgovor na zastupničku inicijativu, dostavlja se;
VEZA: Vaš akt, broj: 01-04-24273-41/26 od 22.05.2026. godine

Vašim aktom broj i datum veze, dostavili ste na nadležno postupanje Inspektoratu tržišno-turističke inspekcije zastupničku inicijativu koju je pokrenula zastupnica Danijela Kristić, a koje glasi:

"Ovim putem podnosim zahtjev za vršenje inspekcijskog nadzora nad autopraonica koja posluje na adresi: Igmanskih bataljona br.32, Općina Ilidža

Prema dostupnim saznanjima, autopraonica je otvorena u sklopu privatne kuće/garaže, zbog čega postoji sumnja da se djelatnost obavlja bez ispunjavanja zakonom propisanih uslova i potrebnih saglasnosti za obavljanje djelatnosti pranja motornih vozila.

Također, svakodnevnom radom navedene autopraonice dolazi do stvaranja gužvi i nepropisnog parkiranja vozila, pri čemu vozila korisnika blokiraju prilaze okolnim kućama i otežavaju normalno odvijanje saobraćaj i pristup stanarima.

S tim u vezi, molim nadležne inspekcije da izvrše provjeru sljedećeg:

- 1. Da li je registrovana djelatnost pranja i održavanja morotnih vozila;*
- 2. Da li postoji odobrenje za obavljanje djelatnosti izdato od nadležne općinske službe;*
- 3. Da li prostor ispunjava minimalno tehničke uslove za obavljanje navedene djelatnosti*
- 4. Da li je za predmetni prostor dozvoljeno obavljanje poslovne djelatnosti u skladu sa namjenom objekta;*
- 5. Da li je izvršen priključak i odvod otpadnih voda;*
- 6. Da li je ugrađen separator ulja i masti za tretman otpadnih voda;*
- 7. Da li postoje potrebne saglasnosti i odobrenja nadležnih organa za zaštitu okoliša i vodoprivredu;*
- 8. Da li se djelatnost obavlja u skladu sa sanitarnim i komunalnim propisima*

Također molim da se o navedenom obavijesti i nadležna policijska stanica zbog svakodnevnog ometanja saobraćaja, blokiranja prilaza privatnim objektima i mogućeg narušavanja komunalnog reda. Molim da nadležna, nakon izvršenog nadzora, poduzme mjere iz svoje nadležnosti ukoliko utvrdi nepravilnosti i nezakonito obavljanje djelatnosti. "

U odnosu na zastupničku inicijativu dajemo slijedeći O D G O V O R:

Dana 10.06.2026. godine kantonalni tržišno-turistički inspektor je postupajući po inicijativi zastupnice Danijele Kristić utvrdio i zapisnički konstatovao da se na adresi Igmanskih bataljona br. 32, Općina Ilidža u sklopu privatne kuće nalazi garaža. U momentu kontrole garaža je bila otvorena i ispred garaže je zatečen automobil marke Škoda crne boje na kojem su bila otvorena vrata i gepek a iz automobila je dopirao miris sredstava za čišćenje. Ispred automobila zatečena sredstva za čišćenje, wap za pranje i šlauf sa vodom. Garaži je pristupio Abedin Pobrić te inspektoru izjavio da posjeduje rješenje za rad i na uvid predočio Rješenje nadležnog Općinskog organa Ilidža kojim se Pobrić Abedinu odobrava obavljanje obrtničke djelatnosti pod nazivom OD "AD Pobrić" na adresi Igmanskih bataljona br. 32 – adresa stana sa predmetom poslovanja "Osnovno čišćenje zgrada" – šifra djelatnosti N/81.21. U unutrašnjosti garaže su zatečena sredstva za čišćenje detrdženti, mirisi za automobile i prostore, lakovi za automobile i dr. Nakon što je upoznat da obavlja obrtničku djelatnost mimo predmeta poslovanja odobrene djelatnosti vlasnik obrtničke djelatnosti je izjavio na zapisnik kako slijedi:

" Kada sam dobio rješenje u Općini Ilidža, rekli su mi da u sklopu šifre djelatnosti i predmeta poslovanja mogu pružati usluge pranja automobila isključivo za klijente kojima pružam usluge registrovane djelatnosti. Ne primam druge klijente samo klijente kojima pružam usluge čišćenja stana (svoje klijente). Želim da naglasim da lakove koji se nalaze u garaži koristim isključivo za ličnu upotrebu. Vi ste mi četrnaesta inspekcija od početka godine, smatram da je ovo vid psihičkog maltretiranja i da je stvar ličnog problema podnosioca prijave jer smo u rodbinskim vezama (strina). Ja sam student peta godina ekonomskog fakulteta (samofinansirajući student) i od ovog što radim plaćam sebi fakultet. Cilj mi je da radim u struci ali prvo moram završiti fakultet koji plaćam. Podnosilac prijave maltretira cijelu moju familiju, mom bratu pravi probleme na poslu jer je on policijski službenik i već je dobila zabranu prilaska nama kao porodici. Sve sam uradio što je bilo u mojoj moći registrovao obrt plaćam sve poreze ali ako je cilj da se ugasi jedna mlada nada i poduzetnički duh onda će tako i biti, pobjedili ste."

Obzirom na utvrđeno činjenično stanje postupajući tržišno-turistički inspektor Kantonalne uprave za inspeksijske poslove će prema vlasniku obrta poduzeti adekvatne mjere odnosno izdati prekršajni nalog u skladu sa Zakonom o obrtu u FBiH ("Sl. Novine FBiH," br. 75/21) za obavljanje obrtničke djelatnosti mimo predmeta poslovanja koji je odobren rješenjem nadležnog organa kao i rješenje o zabrani obavljanja djelatnosti koja nije obuhvaćena rješenjem za rad nadležnog općinskog organa.

Dostavljeno:

1. Naslovu
2. a/a

